

**Kalaallit Nunaanni  
Tusagassiuutit  
pillugit  
Aaliangiisartut**

**Ukiumoortumik nalunaarut  
2023**

## Imarisaanut takussutissiaq

Kalaallit Nunaanni Tusagassiuutit pillugit Aaliangiisartut .....	3
Kalaallit Nunaanni Tusagassiuutit pillugit Aaliangiisartut katiteneri 2021-2025.....	5
Suliat ataatsimut takussutissartai sulianillu aalajangersimasunik tulleriarineq. ....	6
Suliaq 2023-13355 – [Naammagittaalliortoq] illuatungeralugu KNR .....	7
Suliaq 2023-19123 – [Naammagittaalliortoq] illuatungeralugu KNR .....	12
Suliaq 2023-20522 – [Naammagittaalliortoq] illuatungeralugu KNR .....	18
Suliaq 2023-23800 – [Naammagittaalliortoq] illuatungeralugu Sermitsiaq .....	20

## Kalaallit Nunaanni Tusagassiuutit pillugit Aaliangiisartut

Tusagassiuisarnermi akisussaassuseqarneq pillugu Inatsisartut inatsisissaat nr. 17, 19. november 2007-imeersoq (tusagassiuisarnermi akisussaassuseqarneq pillugu inatsit) naapertorlugu Naalakkersuisut Kalaallit Nunaanni Tusagassiuutit pillugit Aaliangiisartunik (Tusagassiiinermut Aaliangiisartut) toqqaasarput, inatsisileritooq ilaasortallu arfinillit aammalu allattoqarfik. Inatsisileritooq ilaasortallu arfinillit tamarmik sinniisoqarput.

Tusagassiuutit pillugit Aaliangiisartut suliani makkunani aaliangiisarput:

- 1) Tusagassiornermi ileqqorissaarnissamik maligassiissutit unioqutillugit saqqummiisoqarsimanersoq, tak. § 34.
- 2) Kapitali 6-imi malittarisassat naapertorlugit tusagassiuut pisussaanersoq, akerlilineq saqqummiutissallugu, tassunga ilanngullugit akerliliinerup imarisaanut, ilusaanut inissisimaneranullu tunngasut..

Tusagassiuutit pillugit Aaliangiisartut siulittaasuata itigartissinnaavai:

- 1) Naammagittaalliutit, aalajangiisartut susasaqarfigisaannut ersarissumik ilaangitsut, tak. imm. 1, imaluunniit ersarissumik tunngavissaqanngitsut.
- 2) Inunnit, suliffeqarfinnit il. il. naammagittaalliutit, pissutsit naammagittaalliutigineqartut pillugit inatsisitigut soqutisaqartuunngitsuneersut.
- 3) naammagittaalliutit naammagittaalliornissamut piffissaliussamik eqquutsisisimanngitsut, takuuk. § 34, imm. 2 imal. imm. 3, imal. § 40.

usagassiuutit pillugit Aaliangiisartut namminneerlutik suliaq qaqissinnaavaat, taanna pingaaruteqarpat imaluunniit tunngaviusumik pingaaruteqarpat. Taamaattoqartillugu innarlerneqartumit oqaaseqaammik piniartoqassaaq tusagassiummiillu naammagittaalliummi pineqartumit oqaaseqaammik piniassapput.

Tusagassiuutit pillugit Aaliangiisartuni ilaasortaq naammagittaalliutip suliarineranut akuusinnaangilaq tusagassiummut pineqartumut attuumassuteqaruni, imaluunniit allatigut pissutsit imaappata, ilaasortap suliamut immikkut soqutigisaqartuunnginnera apeqquserneqarsinnaalluni. Taasinermi amerlanerussuteqarnikkut patsisitalersukkamik aaliangiinertut ilusilerlugu aaliangiissapput, illuatungeriit akornanni isumaqatigiissuteqarnikkut inaarisoqanngippat. Taasinermi naligiittoqartillugu, siulittaasup taasinera aaliangiisuussaaq. Isumaqatigiinngissutaasoq aaliangiinermut tamanit isumaqatigiiffiunngitsumut ilanngunneqassaaq.

Matumunnga Tusagassiuutit pillugit Aaliangiisartut tusagassiuutip naammagittaalliutigineqartup aaqqissuisua peqqusinnaavaat aaliangiineq piaarnerpaamik saqqummiuteqqullugu, Tusagassiuutit pillugit Aaliangiisartut ersarinnerusumik aaliangersagaattut annertussusilerlugu. Tusagassiuutit pillugit Aaliangiisartut aaliangernerata saqqummiunneqarnerani, oqaasertaliussanik ilaqartinneqassanngilaq, nammaginarumillu piumasarineqarsinnaasumik ersarissuseqassalluni.

Tusagassiuutit pillugit aalangiisartut aalajangigaat allaffissornikkut oqartussaasumut allamut suliaannngortinneqarsinnaangilaq.

Tusagassiuutit pillugit Aaliangiisartut suliatik pillugit, Naalakkersuisunut ukiumoortumik nalunaarusiortassapput. Nalunaarut avammut saqqummiunneqassaaq, tak. § 51.

**Attavigiuk:**

Kalaallit Nunaanni Tusagassiuutit pillugit Aaliangiisartut  
c/o Ilinniartitaanermut, Kultureqarnermut, Timersornermut Ilageeqarnermullu  
Naalakkersuisoqarfik  
Imaneq 1 A,  
Postboks 1029  
3900 Nuuk  
Oqarasuaat +299 34 57 41  
E-mail: [pressenaevn@nanoq.gl](mailto:pressenaevn@nanoq.gl)

Kalaallit Nunaani Tusagassiuutit pillugit Aaliangiisartut katiternerit 2021-2025

**Innersuussisut:**

Naalakkersuisoq:  
(Siulittaasumik  
qinersineq)

Kalaallit Nunaanni  
Tusagassioortut  
Peqatigiiffiat:

Aaqqissuussinermi  
aqutsisut:

Kattuffiit:

**Ilaasortaq:**

Kirsten Thomassen  
(Eqqartuussisuuneq)

Karsten Sommer  
Dorthe Olsen

Poul Krarup  
Alice Sørensen

Aqqaluk Brandt Johansen  
Peter Jensen

**Sinniisussaq:**

Morten Nornild  
(Rigsombudsmandenimi  
pisortarp tullersortaa)

Else Løvstrøm  
Mads Pedersen

Inge S. Rasmussen  
Jens Thorin

Bia Andersen  
Rosannguaq Rossen

Suliat ataatsimut takussutissartai sulianillu aalajangersimasunik tulleriiarineq.

Tusagassiuutit pillugit Aaliangiisartunut saaffiginnissutigineqarsimasut tamarmik uani allanneqassapput. Taamaallaalli ataani saaffiginnissutit suliarineqarsimasut kisimik atuarneqarsinnaapput. Suliat tamarmik kinaassutsimik isertuussanngortinneqassapput.

2023-mi Tusagassiuutit pillugit Aaliangiisartut sisamanik naammagittaalliutinik tigusaqarsimavoq.

Suliaq 2023-13355 – [Naammagittaalliortoq] illuatungeralugu KNR

Suliaq 2023-19123 – [Naammagittaalliortoq] illuatungeralugu KNR

Suliaq 2023-20522 – [Naammagittaalliortoq] illuatungeralugu KNR

Suliaq 2023-23800 – [Naammagittaalliortoq] illuatungeralugu Sermitsiaq

## **A A L A J A N G I I N E Q:**

Kalaallit Nunaanni Tusagassiutit pillugit Aaliangiisartunit ulloq 25. september 2023-imi oqaatigineqartoq

Suliamut attuumassuteqartoq

Suliap normua 2023-13355

[Naammagittaalliortoq] (Stage Advokatfirma-mi)

illuatungeralugu

KNR (Kirk Larsen & Ascanius, Greenland, Eqqartuussissuserisut piginneqatigiillutik ingerlatseqatigiiffiat)

[Naammagittaalliortoq]-p Kalaallit Nunaata Radio (KNR), manna pillugu tusagassiorfimmu saaffiginninnermi kingorna politiinut unnerluussaannerit pillugit allaatigisat arlallit KNR-imit saqqummiunneqarsimasut kingusinnerusukkullu politiit unnerluussinissamut taamaatitsisimanerat pillugu allaatigisat KNR-imit pissarsiassaajunnaartikkumaneqanngitsut pillugit naammagittaalliutigaa. [Naammagittaalliortoq] isumaqarpoq tusagassiornermi ileqqorissaarnissaq unioqquatinneqarsimasoq.

### **Suliap saqqummiunneqarnera**

Ulloq 21. januar 2022 [Naammagittaalliortoq] tusagassiorfimmu KNR-imit saaffiginnippoq KNR-ip nittartagaaniittut allaatigisat aalajangersimasut sisamat KNR-ip pissarsiassaajunnaartissagai kissaatigalugu, [Naammagittaalliortoq]-mmi isumaa naapertorlugu ukiut 15-it qaangiutereersut atianik tusaamanerlutsitsimmata.

Allaatigisat KNR-ip nittartagaani piffissami 2007-2008 saqqummiunneqarput. Allaatigisat siulliit [Naammagittaalliortoq]-p politiinut unnerluussaananut kiisalu angajoqqaatigiit sooq [Naammagittaalliortoq] politiinut tunniussimaneraannut tunngapput. Allaatigisami kingullermi 2008 martsimi saqqummersumi politiit unnerluutigineqartoq pillugu suliamik taamaatitsinerannut tunngavoq.

Ulloq 25. februar 2022 [Pisortaq], KNR-imi nutaarsiassanut pisortaq, allaatigisat pineqartut pissarsiassaajunnaarnissaannut qinnuiviginnissummut akissuteqarpoq. (Allaatigisat) ”paasissutissanik sunnertiasunik inummulluunniit tunngasunik imaqaannginnera”, oqaluttuaq ([Naammagittaalliortoq]-mut tunngasoq) – [Naammagittaalliortoq]-p politiinut unnerluussinerup taamaatinneqarnera pillugu allaatigisami – ”naammassillugu suliaanera”

eqqarsaatigalugit kiisalu (2007-imi) "pisortani pingaarutilimmik atorfeqarnera"  
"atorfeqarnermini avatangiisiminit tatigineqartariaqarnera" ilaatigut eqqarsaatigalugit KNR-ip  
allaatigisat pissarsiassaajunnaartikkumanngilai.

Ulloq 11. april 2023 KNR-ip allaatigisat pissarsiassaajunnaartinnissaannut itigartitsisimanera  
pillugu siuliani allassimasut tunngavilersuutigalugit [Naammagittaalliorq] Kalaallit  
Nunaanni Tusagassiuitit pillugit Aaliangiisartunut naammagittaalliorpoq.

## **Illuatungeriit isumaat**

*[Naammagittaalliorq]-p isumaa*

Ulloq 11. april 2023 [Naammagittaalliorq] Kalaallit Nunaanni Tusagassiuitit pillugit  
Aaliangiisartunut naammagittaalliummini allappoq piffissami 2007-2008 allaatigisat sisamat  
paasissutissanik pineqaatissiisutaasinnaasunut tunngasunik namminermt tunngasunik  
imaqartut taamaattumillu misissuinerup kingunerisaa eqqarsaatigalugu  
[Naammagittaalliorq] Tusagassiuiinermi ileqqorissaarnissamik maligassiissutini  
immikkoortoq B 8.-mi pineqartuunissaa tunngavissaqartinneqanngilaq.

Immikkoortoq B 8. ima oqaasertaqarpoq:

*Nalunaarutit digital atorlugu tusagassiuititigit tamanut saqqummiunneqartut  
saqqummersinneqarnermik kingunerujussuatigut  
pissarsiarineqarsinnaakkajuttassapput. Tusagassiorfimmu kissaateqarnikkut  
taamatut paasissutissat mianernartut inummulluunniit tunngasut siusinnerusukkut  
tamanut saqqummiunneqarsimasut pissarsiarineqarsinnaanerat  
akornuserneqarsinnaavoq, periarfissaqassappat taamaattussatullu isigineqarpat.*

[Naammagittaalliorq] allapportaaq allaatigisat pineqartut imarisaat atianut  
inuussutissarsiornissamullu periarfissanut annikitsuinnaanngitsumik innarliisimasut,  
pissutigalugu sulisitsisut allaatigisat namminerminut sakkortuumik unnerluussisut  
nassaarisinnaasarmassuk. Maanna suli, allaatigisat kingorna ukiut 15 qaangiuttut suli  
(Danmarkimi) tarnit pissusaannik ilisimasalitutt atorfinitsinneqarnissamut akornutaapput.

[Naammagittaalliorq] allappoq, ukiorpaalunni Kalaallit Nunaanni sulisimanani. Ullumikkut  
Kalaallit Nunaanni inuiaqatigiinnut attuumassuteqanngilartaaq, kiisalu Kalaallit Nuaanni  
Danmarkimiluunniit tamanit ilisimaneqartutut misigiunnaarsimalluni.

Tamanna tunngavigalugu naammagittaalliummini allappoq Kalaallit Nunaanni tamat  
allaatigisanik tunngavissaqanngitsunik unnerluutitalinnik ilisimanninnissamut  
soqutiginninnerat nammineq inuuneqarsinnaaneranut, matumani ilaqtat suliffeqarnerlu  
ilanngullugit, sanilliukkaanni naapertuutinngitsut, kiisalu allaatigisat Kalaallit Nunaanni  
Tusagassiuiinermi ileqqorissaarnissamik maligassiissutini immikkoortoq B 8. naapertorlugu  
KNR-imit pissarsiassaajunnaartinneqartariaqaraluartut.

Kingorna KNR-imit akissummut allakkiamut 31. maj 2023-imeersumut akissummi 11.  
august 2023-imeersummi [Naammagittaalliorq] itisileeqqippoq, KNR-ip allaatigisat  
tunngavigisaat ”inuiaqatigiinni oqallinnerit pingaarutilittut” isigigaluarpagilluunniit



allaatigisat inummut pineqartumut artukkeerujussuarput, pissutigalugu allaatigisani atia assialu meeqqat ataqqinassusaannik pisinnaatitaaffiannillu innarliinermut atassuserneqarmata.

[Naammagittaalliorq] akissutigivaattaaq, KNR-ip tusagassiorfiit allat, DR-imi allaatigisaq ilanngullugu, tassunga atatillugu [Naammagittaalliorq] oqaluuserisaqarnerarlugit tunngavilersuutaa eqqunngilaq, pissutigalugu DR-imi allaatigisap isummersornera siammasinnerummat taamaattumillu KNR-imi allaatigisatulli [Naammagittaalliorq]-mut artukkiinani.

[Naammagittaalliorq]-p naggataatigut erseqqissaatigaa, maligassiissutini immikkoortoq B 8. naapertorlugu piiaannginnissamut akuliutinnginnissamulluunniit KNR-ip "tamat soqutigisaat" pillugu isumaa tunngavilersuutit pingaarnertut inunnut pineqaatissinneqarsimasunut inunnulluunniit inuussutissarsiutimigut suliffeqarfimmut atatillugu tusagassiutini isornartorsiutigineqarsimasunut atorneqartartoq.

[Naammagittaalliorq]-p killiffia tassunga atatillugu nammineq inuunerpiaa politiit misissuinerannut - inaareersumut taamaatinneqareersumullu - atassuserneqarpoq.

[Naammagittaalliorq]-p akissummini uteqqippaa piffissap ingerlareersimasup annertussusaa maani immikkut eqqarsaatigineqartariaqartoq. Allaatigisat saqqummersimali ukiunit 15-init ikinnerunngitsut qaangiutereerput, allaatigisallu inuiaqatigiinnilu pissutsinut atassuteqarnerat qaangiutereerput.

### *KNR-ip isumaa*

Ulloq 31. maj 2023 KNR naammagittaalliummut akissuteqarpoq. Allaatigisat pingasut peernissaannut, kinaassutsimik isertuisunngortinnissaannut immikkoortitsiunnaarnissaannulluunniit [Naammagittaalliorq]-p kissaataanut itigartitsinermut atatillugu iliuitsit tusagassiornermi ileqqorissaarnissamik malittarisassanut imaluunniit Tusagassiuinermi ileqqorissaarnissamut maligassiissutit KNR-ip kallaasorinngilai.

KNR-ip isumaa naapertorlugu piffissami 2007-2008 allaatigisat nutaarsiassat saqqummersineranni "inuiaqatigiinni pissutsinut attuumassuteqartorujussuupput", allaatigisallu suli ulloq manna tikillugu "oqaluttuarisaanermi pisimasunik qaammarsaataaqataallutik", tamallu oqallinnerannut annertuumik tunngavisseeqataallutik. Taamatorpiarlu pisimasut ingerlasimasullu oqaluttuarisarnissaat KNR-ip suliassaraa.

KNR-ip oqaatigaattaaq siornatigut saqqummersitat immikkut ittut saqqumiunnaartinneqartartut tamatigullu aaqqissuisup malittarisassani immikkoortoq B 8-mi "piumasaqaatip" nalilersoqqissaarneratigut aalajangersimasumik nalilersuineratigut pisarluni.

KNR-ip allaatigisat arlaannaanulluunniit attuumassuteqanngitsutut isigai, pissutigalugu allaatigisani politiinut unnerluussisimanermut qaangiutereersumut tunngaviusoq isummersorfigineqanngimmat.

KNR allapportaaq Tusagassiuinermi iloqqorissaarnissamut malittarisassani, matumani immikkoortoq B 8 ilanngullugu, paasissutissat illersorneqarnissaanut peqqussummi paasissutissalluunniit illersorneqarnissaanut inatsimmi aalajangersakkat tunngavigalugit paasineqassanngitsut, tassani inatsit pineqartut Kalaallit Nunaannut atuutinnginnerat saniatigullu paasissutissat tusagassiutilerinikkut suliarineqarnerannut atuunnerat pillugu

allassimasoqannginnera eqqarsaatigineqarlutik. KNR-ip tassunga atatillugu erseqqissarpaa immikkoortoq B 8 namminermini immikkut paasineqartariaqartoq Danmarkimilu Tusagassiutit pillugit Aalangiisartut periusaannut ataqatigiisinnerisigut taamaallaat paasisassaalluni, paasisutissat allaatigisaneersut “artukkeerujussuaqqissaarnersut” – piviusumi pineqartumi naliliilluni.

Paasisutissat [Naammagittaalliortoq]-mut tunngasut inuiaqatigiit oqallinnerannut aallaaviummata tusagassiutinillu allanit pissarsiarineqarsinnaammata KNR-ip allaatigisat ”artukkeerujussuuartut” isigineqarsinnaanerit itigartippaa taamaattumillu Tusagassiuinermi ileqqorissaarnissamut malittarisassani immikkoortoq B 8. atorsinnaanani.

Qaanaami pisoq pingaarutilik taannalu pillugu oqallinnerit qanoq kinguneqarsimanersut atuarneqarsinnaatillugit allaatigisat suli ullumimut iluaqutaanerit KNR-ip aalajangiusimavaa. Taamaattumik allaatigisat suli annertuumik tamanut soqutiginaruupput.

KNR-ip allaatigisani paasisutissat unnerluusserpalaarsorinngilai tusaamanerlutsitsiniaasorinagillu.

KNR ataatsimut isigalugit naliliivoq allaatigisanit paasisutissat Tusagassiuinermi ileqqorissaarnissamut malittarisassani immikkoortoq B 8. eqqarsaatigalugu "artukkeerujussuuartut" isigineqarsinnaangitsut, aammalu naak Kalaallit Nunaanni Tusagassiutit pillugit Aaliangiisartut manna pillugu isumaqassagaluarpata, tassami [Naammagittaalliortoq]-p soqutigisai avaqqunneqartariaqarput (immikkortoq B 8. naapertorlugu immikkoortitsiunnaarnertut) allaatigisanik ilisimasaqarnissamut tamanit soqutigineqarnissamut tunngammata.

## **Tusagassiutit pillugit Aaliangiisartut tunngavilersuutaat aalajangiinerallu**

Aalajangiinermi ilaapput

Morten Nornild, Inge S. Rasmussen, Else Løvstrøm aamma Bea Broberg Andersen.

Tusagassiuinermi ileqqorissaarnissamut malittarisassanut immikkoortoq B 8.-mi allassimavoq nalunaarutit digitali atorlugu tusagassiutitigit tamanut saqqummiunneqartut saqqummersinneqarneranniit kingunerujussuatigit pissarsiarineqarsinnaakkajuttassasut. Tusagassiorfimmu kissaateqarnikkut taamatut paasisutissat mianernartut inummulluunniit tunngasut siusinnerusukkut tamanut saqqummiunneqarsimasut pissarsiarineqarsinnaanerit akornuserneqarsinnaavoq, periarfissaqassappat taamaattussatullu isigineqarpat.

Tusagassiutit pillugit Aaliangiisartut isumaqarput immikkoortoq B 8. aatsaat tunngavittut atorneqassasoq immikkoortitsiunnaarnissamut, kinaassutsimik isertuussinissamut, saqqumiunnaartitsinissamullu qinnuiviginninnerup itigartitsissutigineqarneranut isorinninnermut aallaaviatigullu Kalaallit Nunaanni aatsaat atorneqassaaq paasisutissat inummut pineqartumut artukkeerujussuuartut pineqartillugit.

[Naammagittaalliortoq] allappoq allaatigisat inuttut suliffeqarnissamullu artukkeerpalaarnerat eqqarsaatigalugu, atiatigullu taaneqarneratigit assitalerneqarneratigullu inuttaanut unnerluussisoqanngitsoq Qaanaami pissutsinut meeqqat piginnaasaannik

ataqqinassusaannillu innarlerneqarsimaneranut atassuserneqarsimalluni, allaatigisallu saqqummernerannit ukiut 15-t sinnerlugit qaangiutereersimmata, KNR-ip nittartagaaniit peerneqartariaqartut.

KNR-ip allaatigisat [Naammagittaalliortoq]-mut artukkeerujussuarsorinngilai, pissutigalugu suli ulloq manna tikillugu oqaluttuarisaanermi pisimasunik qaammarsaataaqataammata kinaassusersiortuunatillu, matumani ilanngullugu [Naammagittaalliortoq]-p Kalaallit Nunaanni oqaluttuassartaa tamarmiusoq – politiit unnerluussinerminnik taamaatitsinerat ilanngullugu – allaatigisani qaqqinneqarmat. KNR isumaqarportaaq, allaatigisat tamanit soqutigineqarlutik ilisimasariaqarnerat pingaarnerusariaqartut [Naammagittaalliortoq]-p nammineq soqutigisaanit allagaatit nittartakkamiit peerneqarmissaanniit.

Tusagassiutit pillugit Aaliangiisartut isumaqarput allaatigisanut naammagittaalliutigineqartunut sisamanut Qaanaamilu allaatigisat kingunerisaanik tamanut ammasumik oqallinnerannut tunngasut suli inuiaqatigiit soqutigissajunnarsigaat.

Taamaakkaluortoq tusagassiutit pillugit aaliangiisartut aamma isumaqarput allaatigisat qanoq isussaat, atianik taasinikkut politiinut nalunaaruteqarnerup allataqarnermut atatillugu pillaataasinnaasunik pissutsinik aalajangersimasunik unnerluussissutaanngitsunilluunniit allataqarneq kiisalu piffissaq ingerlareersoq eqqarsaatiginerullugit, allaatigisat taamatut isikkoqartillugu [Naammagittaalliortoq]-mut artukkeerujussuurtutut isigineqartariaqartut.

Taamaattumik [Naammagittaalliortoq]-p naammagittaalliornermini allaatigisat naammagittaalliutigineqartut sisamat [Naammagittaalliortoq]-p atianut assianullu atatillugit kinaassutsimik isertuussileqqusinera KNR-ip piviusunngortinngimmagu KNR-ip isornartorsiorneqarnera Tusagassiutit pillugit Aaliangiisartut tunngavissaqarsoraat.

## A A L A J A N G I I N E Q:

Kalaallit Nunaanni Tusagassiuutit pillugit Aaliangiisartunit ulloq 25. september 2023-imi oqaatigineqartut

suliami uani

Suliap normua 2023-19123

[Naammagittaalliortoq]

illuatungeralugu

KNR

[Naammagittaalliortoq] knr.gl-imi ulloq 2. juli 2023-mi nittartakkami allaatigisaq radioaviisikkullu ilanngutassiaq sammisamut ataatsimut tunngasut pillugit naammagittaalliorpoq. Naammagittaalliutigineqarportaaq KNR-ip naammagittaalliuqartumit pisoq pillugu paasissutissat eqqortut ulloq 3. juli tigummagit pisoq pillugu naqqiissuteqapallannginnera. [Naammagittaalliortoq]-p nutaarsiassiinermi pineqartumi tusagassiornermi ileqqorissaarnissamik maligassiissutit avaqqutaarneqarsimasorai.

### **Suliap saqqummiunneqarnera**

Ulloq 01. juli 2023 tusagassiortoq [Tusagassiortoq] (tullinnguuttuni *tusagassiortoq*) KNR-imeersoq [Naammagittaalliortoq]-mut saaffiginnippoq tallimanngornermi 30. juni pisimasinnaasoq assakaasulerfimmu ajortumut tunngasoq paasiniarlugu.

Ulloq 02. juli ualikkut public relations manager, [Manager] (tullinnguuttuni *[Manager]*), [Naammagittaalliortoq]-meersoq tusagassiorlorlu attaveqatigiilerput. Tusagassiortoq oqarpoq timmisartup assakaasulerfiata ajornartorsiutai pillugit allaaserisaqarlutik. [Manager]-p allaaserinninnissamut pissarsiffiit apeqqutigai ilisimatinneqarlunilu timmisartuussinermi pineqartumi marluk ilaasimasut.

Ulloq 02. juli nal. 12.20 oqaluttuaq KNR-ip knr.gl-ikkut nutaarsiassiissutigaa. Nittartakkami oqaluttuaq timmisartumi ilaasut inersimasut atiisigut taaneqartut meeqqallu ataatsip oqaatigisimasaannik aallaaveqarpoq, tassa mikkiartornermi ”assakaasoq saamerleq ammukarsimangitsaq”, taamaattumik meriarneq – ilaasup pineqartup tamanna pillugu nipituuliutigisimaqisaanik – taamaatinneqartariaqarsimasoq. Allaatigisami ima allaaserinnittoqarpoq:

”Timmisartooq qummukareerluni Kangerlussuaq qulaavaavaa.

Timmisartup atortorissaarutai misissoqqissaarneqarput, timmisartullu assakaasui ajoquteqanngitsut misissuinermi takuneqarsinnaasut timmisartumi aquttut ilaasunut nalunaarutigaa.

Timmisartup aappasaanik mikkiartorneqarnerani minnissaq sioqqullugu timmisartumi aquttup assakaasut tamarmik ammukaartinneqarsimanersoq misissorpai.

Misissuinerminilu takusinnaavai assakaasut ammoortinneqarsimasut, siullermillu mikkiartornerminni aamma ajoquteqarsimanngitsut timmisartumi aquttup højtalerikkut ilaasunut nalunaarutigalugu.”

Knr.gl-imi allaatigisaq nal. 12.20 ulloq 02. juli 2023-meersoq uingasunik allassimasulerlugu ima naavoq ”*Pisoq pillugu timmisartuutileqatigiifik [Naammagittaalliortoq] oqaaseqarusunngilaq, tallimanngornermilu pisoq pillugu annerusumik paasisaqqarfigeqqaarniaramikku.*”

Kingusinnerusukkut ualikkut ulloq 02. juli [Manager]-p tusagassiortoq oqaluttuuppaa, timmisartulerinermi teknikkikkut tunngasunik [Naammagittaalliortoq]-meersumik nassuiaatitsinissaq iluatsissimanagu. [Manager]-p erseqqissaatigaa massumunnga pissutaasoq tassaasoq sapaataanera, tamanna pissutigalugu [Manager]-mi sulisut suliaartorsimasut tamarmiunngitsut. Taamaakkaluartoq [Manager]-p tusagassiortoq ilisimatippaa, [Manager]-p ilaasut pingajuat minniarnermi pineqartumi assakaasulerfimmik ammoorsimasumik takunnissimasoq ilisimasimagaa, [Manager] ilisimatitsivortaaq paasissutissat eqqortut aallaavigalugit Kangerlussuarmi meriarnermi taamaatinneqartumi assakaasulerfik eqqortumik ammukartinneqarsimarpassittoq. Taamaattorli [Manager]-p tusagassioratumut erseqqissaatigaa, taakku eqqortuusutut paasissutissaagallartut tusagassior tup tunngavissatut ilisimasassarigai issuaanermullu atugassaanatik.

Taassuma kingorna 02. juli sapaammi KNR-ip oqaluttuaq radioaviisimitaaq saqqummiutissagaa tusagassior tup attatiinnarpaa, naak illuatungerisaanik tunngavissanik paasissutissinneqarsimagaluarluni.

Kingusinnerusukkut ualikkut 02. juli tusagassior toq timmisartumi ilaasunit timmisartup saamiani assakaasulerfimmik ammukarsimanngitsumik takunnissimasussanit issuakkat nassiuppai. Tamanna tunngavigalugu [Manager]-p tusagassior toq nalunaarfigaa [Manager]-p ”timmisartooq pillugu paasissutissat tunniunneqassasut” kissaatigigaa [Naammagittaalliortoq]-p pisoq pillugu nassuiaanissamut atorniassammagit, tamannali ulloq taanna (sapaat) periarfissaasimanngitsoq. Taamaattorli [Manager] isumaqarpoq [Naammagittaalliortoq]-p paasissutissat taakku aqaguani – ataasinngorneq 03. juli – tunniussinnaagai.

Ulloq 02. juli uali naasoq [Manager]-p tusagassior toq attavigeqqippaa ilisimatillugu ilaasut pingajuat siuliani taaneqartoq attavigisimallugu taassumalu [Manager]-mut uppersarsimagaa assakaasulerfik minnermi pineqartumi *ammukarsimasooq* – tusagassior tullu taanna pissarsiffik attavigissagaa.

Ulloq 02. juli sapaat nal. 18.00 KNR-ip oqaluttuaq radioaviisikkut saqqummiuppaa (oqaatsinut marlunngorlugu) ilaasut pingajuat assakaasulerfillu pillugu isumaa ilisimatitsissutiginagit.

Ataasinngorneq 03. juli ualikkut tusagassiortup [Manager] attavigeqqippaa aallarniutigalugulu KNR-ip maanna "tallimannngornermi minneq saassuteqqinniaraa". KNR-ip tassunga atatillugu [Naammagittaalliorq] apersorusuppaa ilaasullu pingajuat attavigalugu. Uali taanna kingusinnerusukut tusagassiortoq ilaasut pingajuannut attaveqarpoq, taassumalu uppersarsarpaa meriarnermi taamaatinneqartumi assakaasulerfik ammukartinneqarsimasoq takusimallugu. Pineqartorli issuarneqarumangilaq.

Ataasinngorneq ulloq 03. juli nal. 13.00 KNR-ip Dash-8-nut timmisartortartut pisortaataat [Pilotchef] [Manager]-meersoq apersorpaa. [Pilotchef] ataasinngornermi apersorneqarnermini nassuiaavoq, tallimannngornermi 30. juni "meriarnermi taamaatinneqartumi assakaasulerfiup eqqortumik ammukartinneqarsimasoq [Naammagittaalliorq]-p 110%-imik qularinnigikkaa". Timmisartortartut pisortaata erseqqissarpaa, oqaluttuap saqqummiunneqannginnerani ilanngutassiaq issuaanerillu eqqortuussusersioqqaarneqassasut [Naammagittaalliorq]-p kissaatigisimagaa.

03. juli ualikkut allaatigisami issuaanerit paasissutissallu misissugassanngorlugit nassiunneqarput. Peqatigisaanik ilisimatitsisoqarpoq taanna oqaluttuaq nutaaq [Naammagittaalliorq]-millu pisoq pillugu ilanngussassat tamaasa ilanngullugit aatsaat 05. juli pingasunngornermi ullaakkut saqqummiunneqassasoq. Matuma kinguninngua [Naammagittaalliorq]-mi nittarsaassinermut attaveqatigiinnermullu aqutsisup, [Kommunikationsmanager]-p, allaatigisamut missingiut tigusaq allannguutissatut oqaasertalersungaatsiarlugu utertippaa. [Kommunikationsmanager]-p mailimi tassani oqariartuutigaa, KNR-ip oqaluttuamik aatsaat ullut marluk qaangiuppata saqqummersitsiniarnera ileqqusorinnigikkini – ingammik "KNR-ip oqaluttuamik siullermik saqqummersitsipallakusussimanera pissutigalugu" (02. juli sapaat).

Marlungornerli 04. juli kl. 12:42 allaatigisaq [Kommunikationsmanager]-p allanngortitigaa KNR-ip knr.gl-ikkut saqqummiuppaa.

Pingasunngorneq 05. juli radioaviisimi taannarpiaq oqaluttuarineqarpoq – 30. juni tallimannngornermi Kangerlussuarmi minnermi assakaasulerfiup ajornartorsiuteqartoqannginnera pillugu [Naammagittaalliorq]-p qulakkeerinnissutaa ilanngullugu.

## **Illuatungeriit isumaat**

*[Naammagittaalliorq]-p isumaa*

Ulloq 13. juli 2023 [Naammagittaalliorq]-mi nittarsaassinermut attaveqatigiinnermullu aqutsisoq, [Kommunikationsmanager], Tusagassiortut pillugit Aaliangiisartunut naammagittaalliuteqarpoq oqariaartuutigalugu KNR Tusagassiortut ilaqarnermi ileqqorissaarnissamik maligassiissutit immikkoortoq A 1.-imik ima allassimasumik unioqqutitsisimanageralugu:

*Tusagassiorfiit suliassaraat eqqortunik sukkasuumillu paasissutissiisarnissaq. periarfissaqartillugu qulakkeerneqartariaqarpoq paasissutissat tunniunneqartut ingerlateqqinneqartulluunniit eqqortuunerat.*

[Naammagittaalliorq] allappoq, KNR knr.gl-ikkut radioaviisikkullu paasissutissanik eqqunngitsunik 02. juli sapaammi saqqummiussinermigut immikkoortoq A 1. unioqqutikkaa.

[Naammagittaalliortoq] ilisimatitsivoq, ingerlatseqatigiiffik oqaluttuap saqqummiunneqarnera sioqqullugu ilaasut pingajuat pillugu KNR-imut 02. juli innersuussissuteqareersimasoq, ilaasorlu isumaqarpoq meriarnermi taamaatinneqartumi assakaasulerfik ammukarsimasoq, soorluttaaq ingerlatseqatigiiffiup KNR-imi tusagassiortoq ilisimasassissimagaa [Naammagittaalliortoq]”assakaasulerfiup ammukarsimaneramik qulanngilluinnartoq”.

Namminneq pissarsiffitik apeqqusernagit, ilisimasat ilanngussat ilanngunnagit oqaluttualluunniit saqqummiunneqartinnagu [Naammagittaalliortoq]-p timmisartut pillugit teknikkimut tunngasunik pisumut akissuteqarnissaanut - ataasinngorneq 03. juli - utaqqeqqaarani, KNR sapaammi 02. juli paasissutissanik eqqunngitsunik saqqummiussivoq taamaattumillu Tusagassiornermi ileqqorissaarnissamik maligassiissutit immikkoortoq A 1. unioqqutillugu.

[Naammagittaalliortoq] siuliani allassimasunut ilassutitut allapportaaq [Naammagittaalliortoq]-p pisoq pillugu ilanngussaa tamakkiisoq, matumani timmisartortartut pisortaata akissutaa ullormit 03. juli ataasinngornermeersoq, aatsaat knr.gl-imi ulloq 04. juli radioaviisimilu ulloq 05. juli saqqummiunnissaanut kinguaattoorneq ingerlatseqatigiiffiup naapertuutinnngissorigaa.

[Naammagittaalliortoq] siuliani allassimasunut tapiliussatut allappoq ingerlatseqatigiiffiup ingerlatsinera, tassa timmisartuussineq, [Kalaallit Nuaanni innuttaasunut] "ulluinnarni qitiulluinnartuusoq", tamannalu ingerlatseqatigiiffiup ukiunit 60-init ikinnerunngitsuni sullississutigisimagaa kiisalu oqaluttuuaq juulip aappaani pisoq siuliani nassuiarneqartutut tunngavissaqqinngitsigisoq inuiaqatigiinnut isumaqalersitsissaqqissuummat [Naammagittaalliortoq] isumannaallisaalluarsinnaanngitsuusoq.

[Naammagittaalliortoq] isumaqarportaaq ingerlatseqatigiiffiup sapaammi – ”sulisut qitiusut sulinnngiffianni attavigineqarsinnaanngiffiannilu” oqaluttuamut ulluleriikkamut allannguinnissamut ikiuunnissamut piareersimasinnaasimannnginneranut KNR ataqqinninnerusimassagaluartoq. Sapaammi pineqartumi ingerlatseqatigiiffik arlaleriarluni KNR qinnuivigaa timmisartut pillugit teknikkimut tunngasut akissuteqartoqartinnagu saqqummiussissanngitsoq. Taamaakkaluartoq oqaluttuuaq siuliani nassuiarneqartutut - eqqunngitsutut - ilusilerlugu ulloq 02. juli sapaammi saqqummersinneqarpoq.

### *KNR-ip isumaa*

KNR-ip ulloq 01. juli arfininngornermi unnukkulli [Naammagittaalliortoq] qinnuivigaa pisoq pillugu oqaaseqaqqullugu. Aatsaat sapaammi ualip ingerlanerani taanna saaffiginnissut qisuariarfigaat.

Sapaat 02. juli ulloq naallugu KNR-ip [Naammagittaalliortoq]-mut erseqqissaatigaa KNR-ip ”oqaluttuuaq [Naammagittaalliortoq]-p timmisartuata meriarnerata taamaatiinnarneqarsimasumut tunngasoq susoqaraluarpalluunniit saqqummiutissagaa”. KNR-ip taassuma saniatigut [Naammagittaalliortoq] sapaammi pineqartumi akissuteqarnissamut piffissaqartippaa, aatsaallu 02. juli sapaammi nal. 16.30 KNR-ip paasivaa [Naammagittaalliortoq] ”oqaluttuuaq pillugu oqaaseqarumangitsoq”.

KNR allapportaaq [Naammagittaalliortoq]-p aatsaat 02. juli sapaammi nal. 17.45 KNR ilisimatissimagaa ilaasut pingajuat kinaanersoq. Pissarsiffik apersorneqarumasimangilaq.

Tamanna tunngavigalugu KNR allappoq [Naammagittaalliortoq] ilaatigut (nammineerluni) [02. juli sapaat] oqaluttuaq pillugu oqaaseqarnissamut piffissaqarluarsimasoq oqaluttuallu juulip aappaani pisup oqaasertai kinaassusersiortuunngitsut "[KNR]-ip atorsinnaasai eqqarsaatigalugit".

KNR-ip naggasiutigalugu ilannguppaa [Naammagittaalliortoq]-p pisoq pillugu ilanngussaa sisamaani tunniunneqartoq kingornalu juulip tallimaani - siullermik allaatigisamut naqqiissutit [Naammagittaalliortoq]-meersut ajoraluartumik ilanngunnagit, kingornali ilanngunneqarlutik. KNR-ip oqaatigaa [Naammagittaalliortoq]-p pisoq pillugu ilanngussaa kingusissukkut aatsaat tamanut saqqummiunneqarnera pillugu ilungersuummersimanera paasisinnaallugu.

## **Tusagassiuutit pillugit Aaliangiisartut tunngaviliissutaat aalajangiinerallu**

Aalajangiinermi ilaapput

Morten Nornild, Inge S. Rasmussen, Peter Jensen aamma Dorthe Olsen.

Tusagassiuinermi ileqqorissaarnissamut malittarisassani immikkoortoq A, 1.-imi allassimavoq, tusagassiorfiit eqqortumik sukkasuumillu paasisutissiisarnissaq suliassarigaat. Periarfissaqartillugu qulakkeerneqartariaqarpoq paasisutissat tunniunneqartut ingerlateqqinneqartulluunniit eqqortuunersut. Tusagassiuinermi ileqqorissaarnissamut malittarisassani tassani immikkoortoq A 3-mi ima allassimavortaaq, paasisutissat arlaannut ajoqusiisinnaasut, nikanarsaataasinnaasut tatigineqarnermilluunniit annikillisisinnaasut saqqummiutilersinnagit immikkut ittumik misilinneqartassasut, pingaartumik pineqartumut saqqummiunneqarnerisigut. Saqqummiussineq imatut pisariaqarpoq apersorneqartoq akinissaminut naammaginnartumik piffissalerlugu.

Kalaallit Nunaanni meriarneq assaakaasulerfik ammukanngitsoorsimaneramik pasitsattoqarneratigut taamaatinneqarsimasoq pillugu oqaluttuaq Tusagassiuutit pillugit Aaliangiisartut tamanit paasipallakkusunneqarluarsimasoraat.

Pisup qanoq issusaa , nunatsinni timmisartuussinerup isumannaassusaanut tatiginninnerup pingaassusaa ingerlatseqatigiiffiullu [Naammagittaalliortoq]-ip angissusaa eqqarsaatigalugit taamatuttaarlu ingerlatseqatigiiffiup attaveqatigiinnermut sulisui arlaqarlutik aqqissugaanera pissutigalugu Tusagassiuutit pillugit Aaliangiisartut isumaqarput KNR-ip sapaatip 02. juli ingerlanerani pisortatigoortumik oqaaseqartoqarnissaanik tusagassioortumullu tunngavissatut oqaasiinnaanngitsunik naatsorsuuteqarsinnaassasoq.

Siulianiittut KNR-illu aatsaat 02. juli uali naasoq ilaasup pingajuat kinaaneramik ilisimatinneqarsimanera eqqarsaatigalugit, KNR-ip sapaammi unnukkut knr-gl-ikkut kiisalu marlunnik oqaaseqartukkut radioaviisikkut nutaarsiassiinermini isummanik akerliusunik ilanngussaqannginnera Tusagassiuutit pillugit Aaliangiisartut isorinninnissaq tunngavissaqarsorinngilaat. Tusagassiuutit pillugit Aaliangiisartut matumani pingaartissimavaattaq assakaasulerfiup piffissaq tamaat ammukaqqatissimaneqarneramik



ilaasut misigisaqarsimanerat pillugu 02. juli sapaammi unnukkut (nittartakkakut) oqaluttuami ilanngunneqarsimanera, naak pissarsiffiit ilaat akerlerluinnaanik paasissutissiisimagaluartut.

Taamaakkaluartuq Tusagassiuutit pillugit Aaliangiisartut isumaqarput Tusagassiuinermini ileqqorissaarnissamut malittarisassanut naapertuunnerpaasimassagaluartuq KNR attaveqatigiinnermut immikkoortortaqaarfimmit sapaammi [Naammagittaalliortoq]-mik attaveqarnera, timmisartut pillugit teknikkikkut nassuiaat ataasinngornermi saqqummiunneqarsimasinnaasimasuq, sapaammi unnukkut nutaarsiassiinermini tamanna erseqqissumik malitseqartissamaarnerarsimasuuppagu, taamaaliornikkullu 02. juli sapaammi unnukkut nutaarsiassiineq sapinngisamik sukkallunilu eqqortuullunilu tamakkiisuunerulluni, tamat eqqortunik paasissutissinneqartarnissaat eqqarsaatigalugu.

Tusagassiuutit pillugit Aaliangiisartut isumaqarputtaaq Tusagassiuinermini ileqqorissaarnissamut malittarisassanut naapertuunnerpaasimassagaluartuq KNR [Naammagittaalliortoq]-p timmisartut pillugit teknikkikkut nassuiaataa tunniunneqareersoq ilisimaneqareersorlu paasissutissakinnerusorlu ilanngullugu 03. juli ataasinngornermi knr-gl-ikkut radioaviisikkullu malitseqartitsisimasuuppat, matumani tamat sukkasuumik eqqortumillu paasissutissinneqarnissaat eqqarsaatigalugu.

KNR 02. juli sapaammi nutaarsiassiinermini [Naammagittaalliortoq] pisoq pillugu timmisartut pillugit teknikkikkut nassuiaammik aqaguani tunniussaqaarnissaa pillugu toqqaannartumik malugeqqusisimanninneq kisiat tunngavigalugu Tusagassiuutit pillugit Aaliangiisartut isorinnillutik oqaaseqarput, pissutigalugu tamanna nassuiaat pisoq pillugu paasissutissatut eqqortutut inaarutaasutullu isigineqartariaqarmat.

Tusagassiuutit pillugit Aaliangiisartut isoraattaaq malitseqartitsilluni timmisartut pillugit teknikkikkut nassuiaat DASH-8-mi timmisartortartut pisortaanik apersuinermeersoq knr-gl-ikkut radioaviisikkullu 03. juli ataasinngornermi naqqiutigineqareersimanninnera.

Tusagassiuutit pillugit Aaliangiisartut allannguinnissaq tunngavissaqarsorinngilaat.

## **AALAJANGIINEQ:**

Kalaallit Nunaanni Tusagassiinermut Aalajangiisartunit ulloq 25. september 2023-imi oqaatigineqartut

suliami

Suliap normua 2023-20522

[Naammagittaalliorq]

illuatungeralugu

KNR

[Naammagittaalliorq]-p naammagittaalliutigaa KNR-ip piffissami maj - juli 2023-mi nittartakkami nutaarsiassiivimmi [www.knr.gl](http://www.knr.gl)-imi allaatigisani ikinnerpaamik 15-imi Kuannersuarni suliniut uranilu pillugit apeqqut pillugit [Naammagittaalliorq]-mit KNR-mut nassiussanit aalajangersimasumit arlalinnilluunniit tusagassiutulerisutut isigalugit tunngavilersuutit ilanngussaqaarsimarpasinngitsumik sammisaqaarsimaneera. Taamaattumik [Naammagittaalliorq]-p sammisaq pillugu piffissami tusagassiisarnermi tusagassiornermi ileqqorissaarnissamut malittarisassat avaqqutaarneqaarsimasorai.

### **Suliap saqqummiunneqarnera**

KNR piffissami maj – juli 2023-mi nittartakkamini nutaarsiassiivimmini [www.knr.gl](http://www.knr.gl)-imi, radio aviisimi Qanoruumilu nutaarsiassanik arlalinnik ilanngutassiivoq, taakkunani [www.knr.gl](http://www.knr.gl)-imi allaatigisat ikinnerpaamik 15-it, Kujataani kuannersuarni suliniummut aammalu urani pillugu apeqqummut tunngasut aammalu suliniummullu attuumassuteqarput.

[Naammagittaalliorq]-p KNR-imi taamatut nutaarsiassiisarnermut akerliliilluni allaatigisaq aalajangersimasoq arlallilluunniit uranimut tunngasut allaatigisat marluk allat akornannit tigusanit tunngavilersuutitalit uranimut isorinnippalaarnerusut KNR-imut nassiuppai.

KNR-imi piffissami pineqartumi juli 2023-ip naanissaanut nutaarsiassiisarnermi Kuannersuarni suliniut uranilu pillugu apeqqut pillugit sammisaqarnermini allagaatit nassiunneqartut ilaanguttarsimagunangilai.

### **Illuatungeriit isumaat**

*[Naammagittaalliorq]-p isumai*

Ulloq 4. august 2023 [Naammagittaalliorqoq]-p siulittaasuata [Siulittaasoq] Tusagassiuutit pillugit Aaliangiisartunut naammagittaalliorpoq, KNR-ip Tusagassiuinermi ileqqorissaarnissamut malittarisassat unioqqutitsisimanageralugu.

Tusagassiuutit pillugit Aaliangiisartut paasivaat malittarisassani immikkoortoq A 1, unioqqutinneqarsimalluni naammagittaalliutigineqartoq, imalu allassimalluni:

*Tusagassiorfiit suliasaraat eqqortunik sukkasuumillu paasissutissiisarnissaq. periarfissaqartillugu qulakkeerneqartariaqarpoq paasissutissat tunniunneqartut ingerlateqqinneqartulluunniit eqqortuunerat.*

[Naammagittaalliorqoq] allappoq KNR-ip piffissami nutaarsiassiisarnermi – allaatigisarlu arlallilluunniit [Naammagittaalliorqoq]-meersut ilanngutinnginnerisigut – Kuannersuisut uranilu pillugit nutaarsiassiisarnermi illuinnaasiortutut pissuseqarsimasoq.

*KNR-ip isumai*

KNR naammagittaalliummut oqaaseqanngilaq.

## **Tusagassiuutit pillugit Aaliangiisartut tunngaviliissutaat aalajangiinerallu**

Aalajangiinermi peqataapput

Morten Nornild, Inge S. Rasmussen, Peter Jensen aamma Dorthe Olsen.

Tusagassiuinermi ileqqorissaarnissamut malittarisassani tusagassiorfiit eqqortumik sukkasuumillu tusagassiiarnissamut akisussaaffiat aallaavigineqarpoq.

Tusagassiuutit pillugit Aaliangiisartut isumaqarput Kalaallit Nunaani Tusagassiuinermi ileqqorissaarnissamut malittarisassani atuuttut tamarmik nutaarsiassiisarnermi allagaatinik allagaatinilluunniit aalajangersimasunit tunngavilersuutinilluunniit aalajangersimasunik soqutigisaqatigiiffinit aalajangersimasunit allanilluunniit sammisamut atatillugu soqutigisaqartunit peqquneqaratik nassiunneqarsimasunik saqqummiussinissamut pisussaaffiliinatillu piumasaqanngitsut.

Taamaattumik Tusagassiuutit pillugit Aaliangiisartut KNR-ip piffissami maj – juli 2023-mi Kuannersuarni suliniut uranilu pillugu apeqqut pillugit nutaarsiassiinerata tamarmiusup isorineqarnissaa tunngavissaqarsorinngilaat.

## AALAJANGIINEQ:

Kalaallit Nunaanni Tusagassiinermut Aalajangiisartunit ulloq 30. oktober 2023-imi oqaatigineqartut

suliami

Suliap normua 2023-23800

[Naammagittaalliortoq]

illuatungeralugu

Sermitsiaq

Spiralilersuisimanermut atatillugu Sermitsiap ulloq 4. september 2023-imi allaaserisaa [Naammagittaalliortoq]-mit naammagittaalliutigineqarsimavoq.

[Naammagittaalliortoq]-p assersuutigalugu allappaa, naartunaveersaat kanngussamik spiraleq allaaserisami angisuumik assitaliunneqarsimasooq, spiralinut ajornartorsiutaaqisunut 1960-ikkunniit 1970-kkunnut arnarpassuit akornanni ikkunneqarsimasut assitaliunneqartoq. Taamani spiralit atorineqartut taaguuteqarput ”Lippes Loop”, taakku 1980-kkunnili atorunnaarsinneqarput. Sermitsiap spiralimut assitaliussimasaa, nunatsinni spirali Nova T380 ullutsinni atorineqarnerpaavoq. Taana kanngussamik spiraliliaq aamma Danmarkimi atorineqarnerpaavoq. Saniatigut sunniutigisartagaat eqqaasannigikkaani arnarpassuit taamaattumik akornutitaqanngitsumik spiralilertinnikuupput.

Nunatsinni arnat nakorsamit naartunaveersaatilersikkusuttut taamaattumik spiralilertinnissaanik periarfissinneqartarput. Taamaamat ajuusaarnarpoq taana spirali pineqartoq ajorluinnartumut attuumassuteqanngitsumullu allaaserisamut atassutilerneqarnera.

Tamatuma saniatigut allaaserisami paasissutissanik kukkusoqarpoq, tassani pineqarmat arnat niviarsiaqqallu kalaallit 4.500-nit amerlanerusut akuerseqqaaratik spiralilertissimmata. Allaaserisami piffissaq pineqartumi, spiralilertinnikut tassaammata 4.500-t misserpiarigaat. Piviusorli tassaavoq Danmarkimi nunanilu allani arnat assigalugit kanngussamik spiralilerneqarnissamik neqeroorfiusuni naartunaveersaasernerneqarnissamut nunatsinni arnat kissaateqartarmata. Qularnarporli oqariartuut taamaattoq atuartunit tamanit paasineqarsimanissaa, tamanna aamma allaffissiami takuneqarsinnaavoq. Tusagassiortut ”spiralkampagnen”-imut tunngatillugu ilanngutassiaat,

oqaluttuarisaanikkut paasissutissiinernik erseqqissaataasut, ilaatigut qassit spiralilertissimanersut,

paasissutisseeqqaarnani akuersissuteqaqqaarnani ingerlanneqarsimallutik. Tamanna suliaq soorunami pingaaruteqarpoq, taamatuttaaq tusagassiortutut inuiaqatigiinnut ersisaarinnginnissaq pingaaruteqarpoq, peqqinnissaqarfimmut inuiaqatigiit tatiginnikkunnaarsinnaanerit eqqarsaatigalugu.

Tassunga tunngatillugu Sermitsiap allaaseraa, allaaserisami pineqartumi inunnut ataasiakkaanut tunngassuteqanngitsoq. Assinik toqqorsivitsinni "Lippes Loop"-itoqaaq assiutiginnilarput, taamaammat Scanpiximeersumik assitaqarpoq. [Naammagittaalliortoq]-miit attavigineqareeratta assitaliuneqartumi nassuiaatilerneqarpoq, assi kanngussamik spiralertalik ilanngunneqartoq atuartartut paatsooqqunagit. Sermitsiap nassuerutigaa, taamaanngikkaluartoq arnat tamarmik akuerseqqaaratik spiralilerneqarsimasut allaaserisami pineqarnernik paasineqarsinnaasoq

taamaammat allaaserisaaq aaqqinneqartoq.

**Kalaallit Nunanni Tusagassiuutit pillugit Aaliangiisartuni siulittaasoq, Kirsten Thomassen, oqarpoq:**

Tusagassiuutit tusagassioriaaseqarnissamut malittarisassanut unioqqutitsisoqarsimanersoq Kalaallit Nunanni Tusagassiuutit pillugit Aaliangiisartut aalajangiissapput.

Kalaallit Nunanni Tusagassiuutit pillugit Aaliangiisartunut naammagittaalliussagaanni pissutsinut naammagittaalliutigineqartunut inatsisitigut soqutigisaqarnissaq tunngaviusumik piumasaqaataavoq. Kalaallit Nunanni Tusagassiuutit pillugit Aaliangiisartunit suliaq ingerlanneqassappat naammagittaalliortoq tunngaviusumik allaaserisami oqaatigineqassaaq, assitalerneqassaaq imaluunniit kikkut tamarmik ilisarineqarsinnaasumik takuneqarsinnaassaaq.

Allaaserineqartumi [Naammagittaalliortoq] eqqaaneqanngilaq, taamaammat Kalaallit Nunanni Tusagassiuutit pillugit Aaliangiisartunit inuttut inatsisitigut naammagittaalliutut suliarineqarnissaanik soqutiginninngilaq. Matuma kingorna, naammagittaalliutigineqartoq allaaserisami aaqqinneqareernerata kingorna inuiaqatigiinnut soqutiginaateqanngimmat, taamaakkaluartoq naammagittaalliutip ingerlateqqinnissaanut tunngaveqarluni, suliamut tunngatillugu Tusagassiornermi akisussaannermit Inatsisartut inatsisaat § 43, imm. 2, nr. 2 tunngavigalugu itigartinneqarpoq.

Kirsten Thomassen  
Formand